

UNIVERZITET U SARAJEVU
FAKULTET POLITIČKIH NAUKA
ODSJEK KOMUNIKOLOGIJE
SARAJEVO

UNIVERZITET U SARAJEVU
Fakultet političkih nauka
SARAJEVO

PRIMLJENO: 19 12 2018			
Org. jeda.	Broj	Prilog	Vrijednost
02-0-848-0	1	-	-

Na osnovu člana 103. Zakona o visokom obrazovanju (Službene novine Kantona Sarajevo br. 33/17), člana 162. Statuta Univerziteta u Sarajevu, Odluke Vijeća Fakulteta političkih nauka Univerziteta u Sarajevu broj: 02-1-769-1/18 od 10. 10. 2018. godine i saglasnosti Senata Univerziteta u Sarajevu broj: 01-1035-55/18 od 24. 10. 2018. godine, dana 06. 11. 2018. godine u dnevnom listu „Dnevni avaz“, raspisan je Konkurs za izbor akademskog osoblja na naučnu oblast „Komunikologija“, za 1 (jednog) izvršioca.

Odlukom Vijeća Fakulteta političkih nauka Univerziteta u Sarajevu broj: 02-1-817-1/18 od 13. 12. 2018. godine, a na osnovu Dinamičkog plana potreba Fakulteta političkih nauka Univerziteta u Sarajevu za raspisivanje konkursa za izbor u naučno – nastavna zvanja Odluka broj: 02-1-699-1/18 od 24. 09. 2018. godine, imenovana je Komisija za izbor akademskog osoblja u sva zvanja po raspisanom Konkursu na naučnu oblast „Komunikologija“, u sastavu:

1. prof. dr. Šemso Tucaković, profesor emeritus Fakulteta političkih nauka Univerziteta u Sarajevu na naučnoj oblasti „Komunikologija“, predsjednik;
2. prof. dr. Fahira Fejzić – Čengić, redovni profesor Fakulteta političkih nauka Univerziteta u Sarajevu na naučnoj oblasti „Komunikologija“, član;
3. doc. dr. Mustafa Sefo, docent Fakulteta političkih nauka Univerziteta u Sarajevu na naučnoj oblasti „Komunikologija“, član.

Na raspisani Konkurs za izbor akademskog osoblja – nastavnika u sva naučno – nastavna zvanja na naučnoj oblasti „Komunikologija“, u predviđenom roku, prijavila se jedna kandidatkinja, i to:

1. **dr. sci. Irena Prskač – Salčin**, za izbor u zvanje docent,

Komisija je zaprimila potvrdu stručnog saradnika za pravne i administrativne poslove, Umihane Salčin, broj: 01-3-948-1/18 od 23. 11. 2018. godine kojom se potvrđuje da se na

raspisani Konkurs prijavila, samo jedna kandidatkinja, dr. sci. Irena Praskač – Salčin koja je dostavila blagovremenu i potpunu prijavu na Konkurs. Navedena potvrda stručnog saradnika za pravne i administrativne poslove Fakulteta političkih nauka Sarajevo sastavni je dio ovog izvještaja u skladu sa članom 107. stav (2) Zakona o visokom obrazovanju i članom 166. stav (3) Statuta Univerziteta u Sarajevu.

Odlukom Vijeća Fakulteta političkih nauka Univerziteta u Sarajevu broj: 02-1-817-1/18 od 13. 12. 2018. godine, imenovana je Komisija za izbor akademskog osoblja u sva zvanja po raspisanom Konkursu na naučnu oblast „Komunikologija“, u gore navedenom sastavu, te nakon što je pregledala prijavu kandidatkinje podnesene u skladu sa članom 96. stav (1) tačka d) Zakona o visokom obrazovanju („Službene novine Kantona Sarajevo“ broj: 33/17) i članom 156. stav (1) tačka d) Statuta Univerziteta u Sarajevu, Komisija podnosi s l j e d e ć i

IZVJEŠTAJ

sa prijedlogom za izbor u zvanje DOCENT

I - OSNOVNI BIOGRAFSKI PODACI KANDIDATKINJE

Irena Praskač – Salčin rođena je 31. januara 1983. godine u Sarajevu. Osnovnu školu i III gimnaziju završila je u Sarajevu. Fakultet političkih nauka, Odsjek za komunikologiju/žurnalistiku, upisuje akademske 2001/2002 godine i zvanje diplomiranog žurnaliste stiče 10. novembra 2005. godine (dokaz: diploma broj: 444/Ž od 01.07.2006. godine). Postdiplomski studiji na Fakultetu političkih nauka Univerziteta u Sarajevu, Odsjek za komunikologiju/žurnalistiku, „Bosna i Hercegovina u savremenom svijetu“ upisuje u maju 2006. godine. Zvanje magistra žurnalističkih nauka stekla je 26. novembra 2011. godine odbranivši magistarski rad na temu: „*Javni radio – televizijski sistem u Bosni i Hercegovini i mogućnosti njegove transformacije*“ (dokaz: diploma broj: 374/11 od 26. 11. 2011. godine). Na Fakultetu političkih nauka Sarajevo, 02. novembra 2018. godine, odbranila je doktorsku disertaciju: „*Razvoj elektronskih medija u Bosni i Hercegovini nakon Drugog svjetskog rata*“, nakon završenog III ciklusa, dokorskog studija iz oblasti Komunikologije, čime stiče zvanje Doktora komunikoloških nauka/znanosti (dokaz:original Uvjerenje o završenom trećem ciklusu studija broj: 6-K-III/13, 09274019 od 07. 11. 2018. godine). Magistarski studiji okončala je sa prosječnom ocjenom položenih ispita 9.91 a doktorski sa 9.6.

U toku dodiplomskog i magistarskog studija i usavršavanja, osam godina djeluje u praksi. Obavlja novinarske poslove, vođenja i uređivanja manjih programskih cjelina na Radiju Sarajevo 202 a potom, stalni, radni odnos zasniva na Javnom RTV servisu Federacije Bosne i Hercegovine. Na Radiju Federacije Bosne i Hercegovine, pet godina, osim, reporterskih poslova uređuje i vodi Obrazovni program te obavlja redakteure u Informativnom programu. Uređivala je brojne specijalne programske segmente te realizira mnoge intervjue i reportažne zapise iz cijele Bosne i Hercegovine i regije. Kao novinar bila je učesnik mnogih seminara, okruglih stolova i konferencija. Novinarske poslove obavlja i u Dnevnim novinama „Oslobođenje“ te Federalnoj televiziji.

Od 2008. godine je asistent na Fakultetu političkih nauka Univerziteta u Sarajevu na Odsjeku za komunikologiju/žurnalistiku. U proteklih deset godina asistirala je na predmetima: Historija komuniciranja, Osnovi propagande, Odnosi s javnošću, Razvoj medija i novinarstva u svijetu i BiH, Savremena propaganda, Savremeni komunikacijski sistemi, Savremene komunikološke teorije te predmetima iz oblasti prakse. Obavljala je i poslove sekretara Odsjeka za komunikologiju/žurnalistiku u periodu 2008.- 2010. godine. Također, bila je i voditeljica Službe za odnose s javnošću Fakulteta političkih nauka Sarajevo. Od maja 2012. godine bila je predstavnik asistenata Odsjeka za komunikologiju/žurnalistiku na NNV Fakulteta političkih nauka. 2012. godine izabrana je u zvanje višeg asistenta. Govori Engleski jezik.

II - NAUČNOISTRAŽIVAČKI I STRUČNI RAD KANDIDATKINJE

U skladu sa uslovima navedenim u raspisanom Konkursu, kandidatkinja je u prijavi dostavila listu objavljenih naučnih radova, stručnih radova i prikaza, te ostalih publikacija, te priložila dokaze — primjerke objavljenih radova i ostalih publikacija, u printanoj formi i to:

Naučni radovi:

1. **Irena Praskač – Salčin**, „*Odnosi s javnostima u obrazovnim institucijama*“, Godišnjak Fakulteta političkih nauka Univerziteta u Sarajevu, Godina III/IV, 2008./2009., Fakultet političkih nauka Sarajevo, Sarajevo, 2009. godina, 473 – 483 str., ISSN 1840 - 1708;
2. **Irena Praskač – Salčin**, „*Perspektive javnog radio-televizijskog sistema Bosne i Hercegovine*“, Časopis za društvena pitanja Univerziteta u Sarajevu, Pregled, br. 1,

januar-april 2012. godine, Univerzitet u Sarajevu, Sarajevo, 2012. godina, 141 – 161 str., ISSN 0032 – 7271 (print), ISSN 1986 – 5244 (online);

3. **Irena Praskač – Salčin**, „*Savremena pitanja medija – Javni RTV sistem Bosne i Hercegovine u globalizacijskim tokovima*“, Zbornik radova sa Treće internacionalne konferencije „Vjerodostojnost medija – izazovi globalizacije i specifičnosti regiona“, Fakultet političkih nauka Sarajevo, Institut za društvena istraživanja, Sarajevo, 2012. godina, 76 – 97 str., ISBN 978 – 9958 – 598 – 45 – 6;
4. **Irena Praskač – Salčin**, „*Organizacija BH medijskog sistema primjerenog savremenim potrebama BH društva*“, Časopis za istraživanje medija i društva, „Medijski dijalozi“, godina VII, broj 20, Istraživački medijski centar – Podgorica, Podgorica, novembar 2014. godine, 433 – 453 str., ISSN 1800 – 7074;

Stručni radovi i prikazi:

5. **Irena Praskač – Salčin**, „*Kulturocid na Drini. Savremeni Huni*“, prikaz knjige prof. dr. Šemse Tucakovića, Kulturocid na Drini. Materijalni spomenici kulture Bošnjaka-muslimana istočne Bosne uništeni u toku srpske agresije 1991-1995, Časopis za društvena pitanja Univerziteta u Sarajevu, Pregled, br. 2, maj-august 2012. godine, Univerzitet u Sarajevu, Sarajevo, 2012. godina, 165 – 171 str., ISSN 0032 – 7271 (print), ISSN 1986 – 5244 (online);

Ostale publikacije:

6. **Irena Praskač – Salčin**, „*The Contemporary Issues Of Media – public Broadcast System Of Bosnia and Herzegovina In The Globalization Trends*“, Book of Abstracts Third International Conference „Media Accuracy – Challenges of Globalization and Specifics of the Region“, Fakultet političkih nauka Sarajevo, Institut za društvena istraživanja, Sarajevo, 2012. godina, 30 – 31 str., ISBN 978 – 9958 – 598 – 44 – 9;
7. **Irena Praskač – Salčin**, „*Medijska ekologija: odnos medija prema ekološkoj krizi*“, Zborniku radova Doktorskog studija iz komunikologije, Fakultet političkih nauka Sarajevo, Sarajevo, 2014. godine, 116 – 136 str., <http://fpn.unsa.ba/bs/wpcontent/uploads/2014/11/Zbornik-Doktorski-studij-iz-komunikologije-Logo.pdf>;

Kandidatkinja dr. sci. Irena Praskač - Salčin u prijavi navodi da je bila recenzent sljedećih naučnih radova:

- prof. dr. Šemso Tucaković, Presudne partizanske pobjede u Bosni i Hercegovini (Neretva-Drina-Sutjeska), Amos Graf, Sarajevo, 2013. g., 245 – 247 str., ISBN 978 – 9958 – 668 – 05 – 0;
- prof. dr. Šemso Tucaković, Prešućeni genocid. Zločini srpskih snaga na Drini 1941.- 1945., Amos Graf, Sarajevo, 2013. g., 262 – 263 str., ISBN 978 – 9958 – 668 – 04 – 3.

U toku akademskog napredovanja bila je učesnica više konferencija i naučnih skupova. Učesnica je i izlagač Treće internacionalne konferencije „Vjerodostojnost medija – izazovi globalizacije i specifičnosti regiona”, održane u Sarajevu 2012. godine. Učesnica je i III i V Savjetovanja Univerziteta u Sarajevu – Reforma visokog obrazovanja. Učesnik je i izlagač, 2011. godine, PR ARENE - prve konferencija za studente o odnosima s javnošću u organizaciji Apriori komunikacija na temu: „Deset tačaka koje treba znati svaki PR ”. 2016. godine učesnik je i Konferencije „Budućnost javnih servisa na Zapadnom Balkanu: Tranzicija bez kraja?“ koja je održana je u Sarajevu 18. i 19. maja. Učesnica je i Trodnevnog treninga „Andragoški pristup i komunikacija u akademskoj zajednici“, 2018. godine, Centra za cjeloživotno učenje Fakulteta političkih nauka Sarajevo te seminara: „Interdisciplinarnost na Univerzitetu u Sarajevu“, Univerziteta u Sarajevu održanog 05. oktobra 2018. godine.

U svojim istraživanjima posebno je zainteresirana za teme iz oblasti historije komuniciranja, društvene historije medija, razvoja i djelovanja radija i televizije te javnih RTV sistema.

III - NASTAVNO - PEDAGOŠKI RAD KANDIDATKINJE

Kandidatkinja dr. sci. Irena Praskač – Salčin posjeduje značajno, desetogodišnje nastavno – pedagoško iskustvo iz oblasti Komunikologije, s obzirom da je u nastavne aktivnosti uključena od 2008. godine u statusu, najprije asistenta a potom i višeg asistenta na Odsjeku za komunikologiju (dokaz: originali Odluke o zasnivanju radnog odnosa na neodređeno vrijeme broj: 01-02-505-1/08 od 22. 05. 2008. godine, Ugovora o radu broj: 01-05-28-9/08 od 01. 09. 2008. godine, Ugovor o radu broj: 01-3-7-11/12 od 29. 06. 2012. godine i Ugovor o radu broj: 01-3-10-10/17 od 01. 02. 2017. godine). Sarađivala je sa prof. dr. Šemsom Tucakovićem na predmetima: Historija komuniciranja, Osnovi propagande, Propagandno komuniciranje, Odnosi s javnošću, Teorija i praksa odnosa s javnošću, Organizacija odnosa s javnošću, Razvoj medija u svijetu i BiH i drugim na I i II ciklusu

nastave na Odsjeku za komunikologiju/žurnalistiku obavljajući redovne nastavne aktivnosti (vježbe, konsultacije, seminarske i istraživačke radove, održavanje pismenog dijela ispita te druge oblike rada). Pomaganje u pripremi i izvođenju naučno – nastavnog procesa kao i pripremu i izvođenje vježbi na različitim modulima obavljala je i u svojstvu asistenta sa profesorima: prof. dr. Emina Kečo – Isaković, prof. dr. Jelenka Voćkić – Avdagić (Savremeni komunikacijski sistemi 1 i 2, Savremene komunikološke teorije), prof. dr. Amila Šljivo – Grbo i prof. dr. Fahira Fejzić – Čengić. U toku saradnje, kroz različite predmetne oblasti nastavnog procesa dokazala je izuzetnu odgovornost, posvećenost i zalaganje kako u odnosu sa predmetnim profesorima tako i u komunikaciji sa studentima. U toku deset godina rada sa studentima u evaluacijama ocjenjena je sa ocjenom 3.26.

Značajno je spomenuti da bogato iskustvo dugogodišnjeg rada u praksi nesebično dijeli sa studentima kroz praktične predmetne oblasti (Novinarska praksa 1 i 2, Praksa 1 i 2) uspješno realizirajući sve obaveze i zahtjeve praktičnih modula kroz različite segmente kako internih oblika prakse tako i eksterne saradnje studenata Fakulteta sa medijima.

Značajno iskustvo ima i u okviru realizacija nastavnonaučnih aktivnosti III ciklusa nastave kroz realizaciju obaveza na Doktorskom studiju iz oblasti Komunikologije u svojstvu Koordinatora.

U toku obavljanja nastavnih aktivnosti kontinuirano je radila na unapređenju i usavršavanju pedagoških vještina kroz različite seminare i savjetovanja andragoškog karaktera (dokaz: Certifikat za učešće na III savjetovanju Reforma visokog obrazovanja – primjena bolonjskih principa na Univerzitetu u Sarajevu i potvrda o učešću na Treningu „Andragoški principi i komunikacija u akademskom okruženju“, Referentni broj: 8 – 4/2018).

IV - ZAVRŠNA OCJENA KOMISIJE SA PRIJEDLOGOM ZA IZBOR

Razmatrajući dostavljenu prijavu kandidatkinje dr. sci. Irene Praskač - Salčin te uvidom u priloženu dokumentaciju kojom dokazuje ispunjavanje Zakonom predviđenih uvjeta za izbor u naučno-nastavno zvanje „docent“ na naučnoj oblasti „Komunikologija“ na Fakultetu političkih nauka Univerziteta u Sarajevu, Komisija daje sljedeću ocjenu:

Shodno članu 96. stav I. tačka d) Zakona o visokom obrazovanju („Sl. novine Kantona Sarajevo” broj: 33/17), te članu 156. stav 1. tačka d) Statuta Univerziteta u Sarajevu kojima su propisani minimalni uvjeti za izbor u zvanje docenta, Komisija je zaključila sljedeće:

Kandidatkinja dr. sci. Irena Praskač - Salčin ispunjava propisane uvjete, što je i vidljivo u samom sadržaju prijave kandidatkinje, odnosno, u ovom izvještaju. Naime, shodno članu 96. stav 1. tačka d) Zakona o visokom obrazovanju („Sl. novine Kantona Sarajevo” broj: 33/17) kojim su propisani minimalni uvjeti za izbor u zvanje docenta, Komisija je zaključila da kandidatkinja dr. sci. Irena Praskač - Salčin ispunjava sve Zakonom propisane uslove, u smislu naučnog stepena doktora u datoj oblasti, najmanje tri naučna rada objavljena u priznatim publikacijama koje se nalaze u relevantnim naučnim bazama podataka, pokazane nastavničke sposobnosti, o čemu postoje vjerodostojni i pouzdani dokazi koje je kandidatkinja priložila uz svoju prijavu.

Na osnovu naprijed navedenog, te detaljnim uvidom u predočenu dokumentaciju za izbor u naučno - nastavno zvanje „docent” na naučnoj oblasti „Komunikologija” na Fakultetu političkih nauka Univerziteta u Sarajevu, te priložene naučne radove i ostale dostavljene podatke, Komisija daje sljedeću ocjenu:

Za izbor u naučno - nastavno zvanje „docent” na naučnoj oblasti „Komunikologija” na Fakultetu političkih nauka Univerziteta u Sarajevu predlaže se kandidatkinia dr. sci. Irena Praskač - Salčin.

Kandidatkinja dr. sci. Irena Praskač – Salčin autorica je 5 (pet) naučnih radova objavljenih u priznatim publikacijama a koje se nalaze u relevantnim naučnim bazama podataka koji predstavljaju referentnu bibliografiju. Radovi tematski i sadržajno korespondiraju sa oblasti Komunikologije i aktuelnom tematikom te je autorica i dvije recenzije. Svojim angažmanom u nastavno – naučnom procesu doprinosila je kako samom procesu tako i sveukupnom naučno – istraživačkom radu Odsjeka za komunikologiju. Svojim djelovanjem kako u internim angažmanima u okvirima eksterne komunikacije doprinosila je razvoju Fakulteta političkih nauka i Univerziteta u Sarajevu. Svojim dosadašnjim aktivnostima na ovom polju dala je značajan doprinos i kroz organizaciju i provođenje različitih vannastavnih, stručnih i naučnih aktivnosti Fakulteta.

Kandidatkinja dr. sci. Irena Praskač – Salčin ima pokazane nastavničke sposobnosti razvijane kroz desetogodišnji rad sa profesorima i studentima u okviru impozantnog broja predmetnih oblasti. Sveukupni, dosadašnji, naučni, stručni i nastavni angažman potvrđuje da kandidatkinja može doprinjeti razvoju naučno – nastavnih i istraživačkih procesa Fakulteta.

Na osnovu svega naprijed izloženog, Komisija ima čast i zadovoljstvo da predloži Vijeću Fakulteta političkih nauka Univerziteta u Sarajevu da kandidatkinju dr. sci. Irenu

Praskač - Salčin izabere u zvanie docenta na naučnoj oblasti „Komunikologija” i da taj prijedlog prosljedi Senatu Univerziteta u Sarajevu u dalju proceduru.

KOMISIJA:

1. prof. dr. Šemso Tucaković, predsjednik

2. prof. dr. Fahira Fejzić - Čengić, član

3. doc. dr. Mustafa Sefo, član

U Sarajevu, 17. 12. 2018. godine